

SCRIPT OF MORNING GOJRI NEWS BULLETIN 6FEB 2026

1015HRS

مارنگ گوجری نیوز بولٹن 6 فروری 2026

یوہ آکاشوانی جموں ہے نصرت تیں خبر سُنو۔

HM JK VISIT

مرکزی وزیر داخلہ امت شاہ دو دنوں واسطے جموں کشمیر آیا ہیں۔ ان غو مقصد حفاظت صورتحال غو جائیزو لینو تے مختلف ترقیاتی منصوبہ نانہ شروع کرنو ہے۔ وہ گزشتہ رات جموں پُجیا تے ات لیفٹیننٹ گورنر منوج سنہا نے ان غو استقبال کیو۔ اج امت شاہ کٹھوعہ ضلع غا پیرانگر مانہ سرحدی حفاظتی صورتحال غو جائیزو لیں غا تے سرحدی حفاظتی دستہ غی، چوکی غو دورو کریں غا۔ اس تیں بعد شہید فوجیاں غا اہل خانہ غے نال ملاقات کریں غا، تے لوک بھون جموں مانہ تقریری غا خطوط وی دیں غاتے بعد مانہ ایک اعلیٰ سطحی اجلاس غی صدارت کریں گا تانجے حفاظتی صورتحال غو جائیزو لیو جاسکے۔ اجلاس مانہ لیفٹیننٹ گورنر، وزارت داخلہ غا اعلیٰ افسر، نیم فوجی دستہ گا سربراہ، سیول تے پولیس افسران غے نال جموں کشمیر غی خفیہ ایجنسی شامل وے غی۔ پلک، وزیر داخلہ، مختلف ترقیاتی منصوباں نانہ شروع کرن واسطے سرینگر جیں گا۔

CM BUDGET

وزیر اعلیٰ عمر عبداللہ اج 27-2026 غو بجٹ جموں کشمیر قانون ساز اسمبلی مانہ پیش کریں غا۔ اسمبلی سویرے 10 بجے کھولے غی تے پہلاں سولات غو سیشن وے غو۔ اس تیں بعد وزیر اعلیٰ سالانہ مالیاتی بیان تے بجٹ تقریر کریں گا، جس مانہ حکومت غی مالی ترجیحات تے ترقیاتی منصوبہ دسیا جیں غا۔ وہ اضافی اخراجات غی تفصیل وی پیش کریں غا جس مانہ گزشتہ مالی سال 2025-26 غا اضافی اخراجات شامل ہیں۔

CM ECONOMIC SURVEY

وزیر اعلیٰ عمر عبداللہ نے گزشتہ روز 26-2025 غو اقتصادی سروے رپورٹ اسمبلی مانہ پیش کیو۔ رپورٹ مانہ اہم شعباں مانہ ترقی ور گل بات کی گئی۔ جموں کشمیر غی معیشت تقریباً 28 عشاریہ 86 لکھ کروڑ روپیہ غی ہے۔ حقیقی جی ایس ٹی مانہ 5 عشاریہ 82 فی اضافو، متوقع ہے۔ تے مہنگائی کھٹ ہو غے 3 عشاریہ 8 ہوگئی ہے۔ جد کہ بیروزگاری کھٹ غے 6 عشاریہ 1 فی صد ہو گئی ہے۔ سال 2025 مانہ سیاحاں غی تعداد مانہ 1 عشاریہ 78 کروڑ غو بابدو ہوو ہے۔ اس غے نال نال صحت، تعلیم، تعمیراتی ٹھانچہ، بجلی پیداوار تے ڈیجیٹل گورننس جیسا شعباں مانہ وی بہتری آئی ہے، جہیڑی جموں کشمیر غی مجموعی، اقتصادی تے سماجی ترقی نانہ ظاہر کرے۔

MOTION OF THANKS

جموں کشمیر قانون ساز اسمبلی نے گزشتہ روز لیفٹیننٹ گورنر غا خطاب ور پیش کی گئی تشکری قرار دار منظور کرلی ہے۔یوہ خطاب 2 فروری نانہہ دتو گئو تھو۔ یاه قرار دار ایم۔ایل۔اے شوکت حسین گئی نے پیش کی تے ڈاکٹر رامیشور سنگھ نے اس غی تاکید کی۔ وزیر اعلیٰ عمر عبداللہ نے قرار دار ور جواب دیتا واں حزب اختلاف غی تنقید غو جواب دتو تے اپنی حکومت غی ترجیحات دسیں۔ اُنہاں نے جموں کشمیر غی ریاستی حیثت تے خصوصی درجہ بحال کرن غا عزم نانہہ دہرایو تے 200 یونت مفت بجلی دین غا اعلان کیو۔ اُنہاں نے کہیو کہ حکومت جموں تے کشمیر دواں علاقہ مانہہ برابری غے نال ترقی ور کم کررئی ہے جس واسطے تعلیمی یونیورسٹی، زرعی یونیورسٹی تے مرکزی ادارہ قائم کیا جا رہیا ہیں۔ وزیر اعلیٰ نے نفرت تے تقسیم غی سیاست غی مزمت کی تے ماضی غی نا انصافیاں نانہہ درست کرن ور زور دتو، جن ماہہ دربار بدل غی بحالی وی شامل ہے، اُنہاں نے جموں کشمیر پولیس تے عوام غی قربانیاں نانہہ سہرایو تے اتحاد، جمہوریت غا تحفظ بارے اپیل کی۔ تے یاه قرار دار آواز غے ذریعے، ووٹنگ سنگ منظور کی گئی۔

JKBOSE EXAMINATION

جموں کشمیر سکولی تعلیم بورڈ نے 10 ویں تے 12 ویں جماعت غا سالانہ امتحان 2025 مغربی علاقہ جموں ڈویژن، اکتوبر نومبر سیشن واسطے ری ویلیوشن تے جواب ناماں غی فوٹو کاپی حاصل کرن غی آخری تاریخ بدھا دتی ہے، طلبہ 10 فروری 2026 توڑی جواب ناماں گی فوٹو کاپی واسطے درخواست دے سکیں، تے 14 فروری 2026 توڑی ری ویلیوشن واسطے درخواست دے سکیں۔ طلبہ نانہہ مشورو دتو گئو ہے کہ مقررہ تاریخاں غو خاص خیال رکھیں، کیونجے مزید توسیع نی دتی جے غی۔

WEATHER

محکمہ موسمیات غے مطابق آئندہ دناں مانہہ جموں کشمیر مانہہ موسم زیادہ تر خشک رہن غا امکان ہیں البتہ اُچا علاقہ مانہہ معمولی غی تبدیلی دیکھی جاسکے۔ تے اج اسمان زیادہ تر خشک رہن غی توقع ہے۔
